

Savez psihoterapijskih udruženja u BIH
Hasana Kikića 13
71000 Sarajevo
info@spubih.com

Sarajevo, 9.11.2021.

Broj protokola: I-502/21

PREDMET: Molba za očitovanjem i poziv na javno ograđivanje od neetičkih i neprofesionalnih praksi

Poštovani/a,

kontaktiramo Vas iz Sarajevskog otvorenog centra (SOC), nezavisne organizacije civilnog društva koja radi na unapređivanju ljudskih prava, posebno položaja i ljudskih prava LGBTI osoba i žena u Bosni i Hercegovini, i to interpretacijom, predstavljanjem i zastupanjem autentičnih iskustava osoba koje trpe kršenja ljudskih prava i neravnopravan položaj te zagovaranjem pravnih, političkih, ekonomskih, socijalnih i kulturnih promjena u svim oblastima života.

U posljednje vrijeme došli smo do zabrinjavajućih saznanja od LGBTI osoba o neadekvatnom, neprofesionalnom i neetičkom postupanju određenih stručnjaka_inja iz oblasti mentalnoga zdravlja. Iz zaprimljenih slučajeva jasno je da su konkretne prakse profesionalaca_ki homo/lezbo/bi/transfobne, nesenzibilizirane za potrebe i iskustva LGBTI osoba te su štetne za mentalno zdravlje ovih osoba. Iz opisa slučajeva za koje smo saznali jasno je da se išlo u pokušaju konverzivne terapije, odnosno korištene su štetne i naučno odbačene prakse, s ciljem promjene seksualnih/rodnih identiteta LGBTI osoba.

Stoga bi nam bilo značajno da od Vas kao krovnog udruženja psihoterapijske struke dobijemo informacije o eventualnom postojanju internih procedura za praćenje ovakvog neetičkog postupanja i njegovog sankcionisanja. Ovim putem želimo razmotriti mogućnosti reagiranja na sve češće slučajeve ovakve vrste ukazujući na etičke standarde struke (psihološke/psihoterapijske/psihijatrijske). U tom procesu, kao organizacija koja radi direktno sa LGBTI zajednicom i zagovara za poštivanje i ostvarivanje njihovih prava, stojimo Vam na raspolaganju za zajedničko identifikiranje mogućih smjerova djelovanja za ovakve i slične slučajeve.

Pozivamo Vas da razmotrite opciju javnoga istupanja u kojem bismo se ogradili od ovakvih praksi i naglasili njihovu štetnost, u skladu s tim voljni smo pomoći našim kapacitetima.

Srdačan pozdrav,



Darko Pandurević
Darko Pandurević